

鐵崖先生詠史古樂府上

還讀草廬珍藏



序

樂府

樂府之名昉於漢攷漢書樂志

高祖時有房中祠樂孝惠間更

名曰安世至武帝乃立樂府舉

司馬相如數十人論律呂以合

八音之調而郭茂倩樂府所載

則始六朝劉孝標王褒諸君子
古辭遂不傳唐宋以來作者如
林求其累牘連篇倚聲詠歎舉
不失古風之旨者蓋亦弗可多
覲吾邑楊鐵崖先生以文章風
節彪炳元季譔著諸集垂數百

卷行世古樂府亦安石之碎金
耳予嘗歎於越古多志節之士
先生屈有明之初與王冕元章
張憲思廉咸蜚遯離俗志不可
奪誠所云身屢詘而名益昌者
歟先生之文如日月之麗天江

河之行地古樂府隲括全史汗
瀾卓蹕悉以意鎔鍊中綴爲序
論率皆慷慨激烈磅礴行間使
人誦其篇章慨然想見其爲人
覺安世房中諸鉅製不爲希聲
已乃是書罕傳於世今西安王

君度青留心文獻司鐸於暨官
獨冷而用意良厚適得鈔本鏤
版以行郵書屬予序之予老矣
天涯薄宦翹首梓桑將景行先
哲之弗遑其何能更贅一詞惟
竊喜是編不爲蟬蝕鼠齧得王

楊鍾虞先生文集 序
君之功以嘉惠後學不可謂非
斯文之厚幸也夫是爲序

乾隆癸巳仲冬同邑後學余文

儀拜譔



楊鐵崖先生傳

門生貝瓊撰

鐵崖先生者名維禎字廉夫姓楊氏為紹興諸暨縣人母李氏夢金鉤自月墮於懷既寤生先生少穎悟好學日記書數千言父宏為築萬峯樓鐵崖山中使讀書樓上懼性弗專易怠去梯輓轡傳食積五年貫穿經史百氏雖老師弗及父期以重鎚至弱齡不為授室俾遊學甬東粥廐馬以益裝錢先生節縮不妄費購黃氏日鈔諸書以歸父謹曰此顧不多于良馬耶躬為裝褫使之周覽泰定丁卯用春秋擢進士第署台之天台尹階承事郎天台多黠吏憑

陵氣勢執中官短長先以餌鉤其欲然後扼吭使不得吐
一語號為八鵬先生庶其奸中以法民方稱快其黨頗蚘
結蛇蟠不可解先生卒因是免官久之改錢清場鹽司令
時鹽賦病民先生食不咽屢白其事江浙行中書弗聽乃
頓首涕泣于庭復不聽至欲投印去訖獲減引額三千俄
相繼丁外內艱結廬于桐原墓自是不調銓者十年會有
詔修遼金宋三史先生不得與史成正統迄無定論乃著
正統辨大司徒歐陽文公元讀之嘆曰百年後公定論于
此矣將薦之又受阻之者尋用常額提舉杭之四務四務

為江南劇曹素號難治先生日夜爬梳不暇騎驢謁大府
塵土滿衣襟間有識者皆憐之而先生自如也轉建德路
總管府推官陞承務郎先生悉心獄情必使兩造具脩鈎
摘隱伏務使無寃民後陞奉訓大夫江西等處儒學提舉
未上會四海兵亂先生遂泯跡浙西山水間十八年太尉
張士誠知其名欲見之不往繼遣其弟來求言因獻五論
及復書斥其所用之人衆惡其直且目為狂由是徙松江
受業者益衆雖武夫悍卒識與不識皆知其文為重大明
革命召諸儒考禮樂洪武三年正月至京師年已七十有

六有疾得請歸夏六月卒太守林孟善為買地葬之先生
為人不尚峻絕行每接引人物士以此咸附之而于負者
未嘗校曲直他日遇之如初家藏古名畫為西隣所竊其
儻人追執之先生曰吾業與之矣無賴之徒偽為文以冒
受金繒或疑以為問將發其奸先生曰此誠余所作也不
論遠近皆知先生為寬厚長者所著有四書一貫錄五經
鈴鍵春秋透天關禮經約君子議歷代史鉞補正三史綱
目富春人物志麗則遺音古樂府上皇帝書勸忠辭及平
明瓊臺洞庭雲間祈上諸集通數百卷行于世

論曰元繼宋季之後政龐文抗鐵崖務剗一代之陋上
追秦漢雖詞涉夸大雄健而不窘者一人而已湖南李
祈評其所作曰玉光劍氣自不可掩身屢詘而名益昌
良有以夫仕止典市官卒不得大用意君子之所貴又
豈但位也哉



是以前也

身以心志起與中官卒一得之則盡張子之所謂
得其所以自生者陰陽自不可勝其數故曰以是
重其業則同於衆大無知而不識一人心已隨其
餘曰其所以然者必如顯方其顯則衆一亦之動上

楊鐵崖先生詠史古樂府目錄

古樂府卷一

皇媧補天謠

楚國兩賢婦

失七歌

并序

楚妃曲

三鄒子

有小序

單父侯

有小序

天下士

有小序

牝鷄雄

慈鷄田

大良造

蘆中人

鍾離春

平原君

傅舍吏

夷門子

有小序

春申君

觀津客

廁中鼠

并序論

文信侯

有序論

樊將軍

臘嘉平

杯羹辭

鴻門會

野雉辭

旦暮辭

虞美人行

漂母辭

田橫客

高陽酒徒

陸大中

并序論

走狗謠

赤松辭

并序論

商山芝

并引論

滑稽兒

東閣開

結襪子

有引

柏谷辭

冰山火突辭

悲吳王

補日飲母苛辭

伏生受書行

長門怨

鳳凰曲

眉憊辭

牧羝曲

牛腹書

宮中有蠱氣

董舍人

昭君曲

二首

王墻

關內侯

梓樹生枝葉

張特進

新都侯

老姑投國璽

大司徒

兩僊公

龔老人

五湖游

毛女

金臺篇

聶政篇

真仙謠